potthapādasuttam (excerpt) 0.0.1

- santi kho potthapāda eke samanabrāhmanā evamvādino evamditthino: 'ekantasukhī attā hoti. arogo parammaranā'ti. tyāham upasankamitvā evam vadāmi: 'saccam kira tumhe āyasmanto evamvādino evamditthino 'ekantasukhī attā hoti, arogo parammaranā'ti? te ce me evam putthā 'āmā'ti¹ patijānanti, tvāham evam vadāmi: 'api pana tumhe āyasmanto ekantasukham lokam jānam passam viharathā'ti, iti putthā 'no'ti vadanti. tyāham evam vadāmi 'api ca pana tumhe āyasmanto ekam vā rattim ekam vā divasam upaddham vā rattim upaddham vā divasam ekantasukhim attānam sampajānāthā?'ti. iti putthā 'no'ti vadanti, tyāham evam vadāmi 'api pana tumhe āvasmanto jānātha: 'ayam maggo ayam patipadā ekantasukhassa lokassa sacchikiriyāyā?'ti. iti putthā 'no'ti vadanti. tyāham evam vadāmi 'api pana tumhe āyasmanto yā tā devatā ekantasukham lokam upapannā, tāsam bhāsamānānam saddam sunātha: 'supatipannāttha mārisā, ujupatipannāttha mārisā ekantasukhassa lokassa sacchikiriyaya. mayampi hi marisa evampatipanna ekantasukham lokam upapannā'ti? iti putthā 'no'ti vadanti.
- 2. tam kim maññasi potthapāda, nanu evam sante tesam samanabrāhmaņānam appātihīrakatam bhāsitam sampajjatī?'ti.

¹āmoti - pts.

- 3. addhā kho bhante evam sante tesam samanabrāhmanānam appāṭihīrakatam bhāsitam sampajjatī'ti.
- 4. seyyathāpi poṭṭhapāda puriso evaṃ vadeyya: 'ahaṃ yā imasmiṃ janapade janapadakalyāṇī, taṃ icchāmi, taṃ kāmemī'ti. tamenaṃ evaṃ vadeyyuṃ: ambho purisaṃ yaṃ tvaṃ janapadakalyāṇiṃ icchasi kāmesi, jānāsi taṃ janapadakalyāṇiṃ khattiyī vā brāhmaṇī vā vessī vā suddī vā? ti. iti puṭṭho 'no'ti vadeyya, tamenaṃ evaṃ vadeyyuṃ: ambho purisa yaṃ tvaṃ janapadakalyāṇiṃ icchasi kāmesi, jānāsi taṃ janapadakalyāṇiṃ evannāmā evaṅgottā'ti vā, dīghā vā rassā vā majjhimā vā, kāļī vā sāmā vā maṅguracchavī vā'ti, 'amukasmiṃ gāme vā nigame vā nagare vā'ti? iti puṭṭho 'no'ti vadeyya, tamenaṃ evaṃ vadeyyuṃ: ambho purisa yaṃ tvaṃ na jānāsi na passasi, taṃ tvaṃ icchasi kāmesī?'ti. iti puttho 'āmā'ti vadeyya.
- **5.** tam kim maññasi poṭṭhapāda, nanu evam sante tassa purisassa appāṭihīrakatam bhāsitam sampajjatī?'ti.
- **6.** addhā kho bhante evam sante tassa purisassa appāṭihīrakatam bhāsitam sampajjatī'ti.
- 7. evameva kho poţţhapāda ye te samaṇabrāhmaṇā evaṃvādino evaṃdiţṭhino 'ekantasukhī attā hoti arogo parammaraṇā'ti, tyāhaṃ upasaṅkamitvā evaṃ vadāmi: saccaṃ kira tumhe āyasmanto evaṃvādino evaṃdiţ-ţhino 'ekantasukhī attā hoti arogo parammaraṇā'ti?'

te ce² me evam putthā 'āmā'ti patijānanti, tyāham evam vadāmi: api pana tumhe āyasmanto ekantasukham lokam jānam passam viharathā'ti, iti putthā 'no'ti vadanti. tyāham evam vadāmi: api pana tumhe āyasmanto ekam vā rattim ekam vā divasam upaddham vā rattim upaddham vā divasam ekantasukhim attānam sampajānāthā'ti. iti putthā 'no'ti vadanti. tyāham evam vadāmi: api pana tumhe āyasmanto jānātha 'ayam maggo ayam patipadā ekantasukhassa lokassa sacchikiriyāyā'ti. itiputthā 'no'ti vadanti. tyāham evam vadāmi: api pana tumhe āyasmanto vā tā devatā ekantasukham lokam upapannā, tāsam bhāsamānānam saddam sunātha: supatipannāttha mārisā, ujupatipannāttha mārisā, ekantasukhassa lokassa sacchikiriyaya. mayampi hi marisa, evam patipanna ekantasukham lokam upapannā'ti. iti putthā 'no'ti vadanti.

- 8. tam kim maññasi potthapāda, nanu evam sante tesam samanabrāhmanānam appātihīrakatam bhāsitam sampajjatī?'ti.
- addhā kho bhante evam sante tesam samanabrāhmanānam appātihīrakatam bhāsitam sampajjatī'ti.
- seyyathāpi potthapāda puriso cātummahāpathe nissenim kareyya pāsādassa ārohanāya, tamenam evam vadeyyum: ambho purisa yassa tvam pāsādassa ārohanāva nissenim karosi, jānāsi tam pāsādam puratthi-

²ca - pts.

māya vā disāya dakkhiņāya vā disāya pacchimāya vā disāya uttārāya vā disāya, ucco vā nīco vā majjhimo vā?ti. iti puttho 'no'ti vadeyya. tamenam evam vadeyyum: ambho purisa yam tvam na jānāsi na passasi, tassa tvam pāsādassa ārohaņāya nisseņim karosī?'ti. iti puttho 'āmā'ti vadeyya.

- **11.** tam kim maññasi poṭṭhapāda, nanu evam sante tassa purisassa appāṭihīrakatam bhāsitam sampajjatī?'ti.
- **12.** addhā kho bhante evam sante tassa purisassa appāṭihīrakatam bhāsitam sampajjatī'ti.
- 13. evameva kho poṭṭhapāda ye te samaṇabrāhmaṇā evaṃvādino evaṃdiṭṭhino 'ekantasukhī attā hoti arogo parammaraṇā'ti, tyāhaṃ upasaṅkamitvā evaṃ vadāmi: saccaṃ kira tumhe āyasmanto evaṃvādino evaṃdiṭṭhino 'ekantasukhī attā hoti arogo parammaraṇā'ti?' te ce³ me evaṃ puṭṭhā 'āmā'ti paṭijānanti, tyāhaṃ evaṃ vadāmi: api pana tumhe āyasmanto ekantasukhaṃ lokaṃ jānaṃ passaṃ viharathā'ti. iti puṭṭhā 'no'ti vadanti. tyāhaṃ evaṃ vadāmi: api pana tumhe āyasmanto ekaṃ vā rattiṃ ekaṃ vā divasaṃ upaḍḍhaṃ vā rattiṃ upaḍḍhaṃ vā divasaṃ ekantasukhiṃ attānaṃ sampajānāthā'ti. iti puṭṭhā 'no'ti vadanti. tyāhaṃ evaṃ vadāmi: api pana tumhe āyasmanto jānātha 'ayaṃ maggo ayaṃ paṭipadā ekantasukhassa lokassa sacchikiriyāyā'ti. itipuṭṭhā 'no'ti vadanti. tyā-

³ca - pts.

ham evam vadāmi: api pana tumhe āyasmanto yā tā devatā ekantasukham lokam upapannā, tāsam bhāsamānāmam saddam sunātha: supaṭipannāttha mārisā, ujupaṭipannāttha mārisā, ekantasukhassa lokassa sacchikiriyāya. mayampi hi mārisā, evam paṭipannā ekantasukham lokam upapannā'ti. iti puṭṭhā 'no'ti vadanti.

- **14.** tam kim maññasi poṭṭhapāda, nanu evam sante tesam samaṇabrāhmaṇānam appāṭihīrakatam bhāsitam sampajjatī?'ti.
- **15.** addhā kho bhante evam sante tesam samanabrāhmaṇānam appāṭihīrakatam bhāsitam sampajjatī'ti.
- **16.** tayo kho'me poṭṭhapāda attapaṭilābhā: oļāriko attapaṭilābho, manomayo attapaṭilābho, arūpo attapaṭilābho'ti.
- **17.** katamo ca poţţhāpāda oļāriko attapaţilābho? rūpī cātummahābhūtiko kabalīkārāhārabhakkho, ayam oļāriko attapaţilābho.
- **18.** katamo manomayo attapaṭilābho? rūpī manomayo sabbaṅgapaccaṅgī ahīnindriyo, ayaṃ manomayo attapaṭilābho.
- **19.** katamo ca arūpo attapaṭilābho? arūpī saññāmayo, ayam arūpo attapatilābho.

- **20.** oļārikassapi kho aham poṭṭhapāda attapaṭilābhassa pahānāya dhammam desemi yathāpaṭipannānam vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūrim vepullattañca⁴ diṭṭheva dhamme sayam abhiññā sacchikatvā upasampajja viharissantīti⁵.
- 21. siyā kho pana te poṭṭhapāda evamassa: saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūrim vepullattañca diṭṭheva dhamme sayam abhiññā sacchikatvā upasampajja viharissāma. dukkho ca kho vihāro'ti.
- 22. na kho panetam poṭṭhapāda evam daṭṭhabbam. saṅkilesikā ceva dhammā pahīyissanti. vodāniyā dhammā abhivaḍḍhissanti. paññāpāripūrim vepullattañca diṭ-ṭheva dhamme sayam abhiññā sacchikatvā upasampajja viharissanti. pāmujjañceva bhavissati pīti ca passaddhi ca sati ca sampajaññañca sukho ca vihāro.
- 23. manomayassa pi kho aham poṭṭhapāda attapaṭilābhassa pahānāya dhammam desemi yathāpaṭipannānam vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūrim vepullattañca diṭṭheva dhamme sayam abhiññā sacchikatvā upasampajja vīharissathāti⁶.

⁴vepullatam - pts

⁵vihārissatī - bahusu

⁶viharissati - bahusu

- 24. siyā kho pana te poṭṭhapāda evamassa: saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūrim vepullattañca diṭṭheva dhamme sayam abhiññā sacchikatvā upasampajja viharissāma. dukkho ca kho vihāro'ti.
- 25. na kho panetam poţţhapāda evam daţţhabbam. sankilesikā ceva dhammā pahīyissanti. vodāniyā dhammā abhivaḍḍhissanti. paññāpāripūrim vepullattanca diţtheva dhamme sayam abhinnā sacchikatvā upasampajja viharissanti. pāmujjanceva bhavissati pīti ca passaddhi ca sati ca sampajannanca sukho ca vihāro.
- 26. arūpassapi kho aham poţţhapāda attapaţilābhassa pahānāya dhammam desemi yathā paţipannānam vo sankilesikā dhammā pahīyissanti, vodāniyā dhammā abhivaḍḍhissanti, paññāpāripūrim vepullattanca diţtheva dhamme sayam abhinnā sacchikatvā upasampajja viharissathāti.
- 27. siyā kho pana te poṭṭhapāda evamassa: saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūrim vepullattañca diṭṭheva dhamme sayam abhiññā sacchikatvā upasampajja viharissāma. dukkho ca kho vihāro'ti.
- **28.** na kho panetam potthapāda evam datthabbam. sankilesikā ceva dhammā pahīyissanti. vodāniyā dhammā

abhivaḍḍhissanti. paññāpāripūriṃ vepullattañca diṭṭheva dhamme sayaṃ abhiññā sacchikatvā upasampajja viharissanti. pāmujjañceva bhavissati pīti ca passaddhi ca sati ca sampajaññañca sukho ca vihāro.

- 29. pare ce poṭṭhapāda amhe evaṃ puccheyyuṃ: 'katamo pana so āvuso oṭāriko attapaṭilābho yassa tumhe pahāṇāya dhammaṃ desetha yathāpaṭipannānaṃ vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūriṃ vepullattañca diṭṭheva dhamme sayaṃ abhiññā sacchikatvā upasampajja viharissathā'ti. tesaṃ mayaṃ evaṃ puṭṭhā evaṃ byākaryoma: 'ayaṃ vā so āvuso oṭāriko attapaṭilābho yassa mayaṃ pahānāya dhammaṃ desema yathāpaṭipannānaṃ vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūriṃ vepullattañca diṭṭheva dhamme sayaṃ abhiññā sacchikatvā upasampajja viharissathā'ti.
- 30. pare ce poṭṭhapāda amhe evaṃ puccheyyuṃ: 'katamo pana so āvuso manomayo attapaṭilābho, yassa tumhe pahānāya dhammaṃ desetha yathāpaṭipannānaṃ vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūriṃ vepullattañca diṭṭheva dhamme sayaṃ abhiññā sacchikatvā upasampajja viharissathā'ti. tesaṃ mayaṃ puṭṭhā evaṃ byākareyyāma: 'ayaṃ vā so āvuso manomayo attapaṭilābho yassa mayaṃ pahānāya dhammaṃ desema yathāpaṭipannānaṃ vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūriṃ ve-

pullattañca diṭṭheva dhamme sayam abhiññā sacchi-katvā upasampajja viharissathā'ti.

- 31. pare ce poṭṭhapāda amhe evaṃ puccheyyuṃ: 'katamo pana so āvuso arūpo attapaṭilābho, yassa tumhe pahānāya dhammaṃ desetha yathāpaṭipannānaṃ vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūriṃ vepullattañca diṭṭheva dhamme sayaṃ abhiññā sacchikatvā upasampajja viharissathā'ti. tesaṃ mayaṃ puṭṭhā evaṃ byākareyyāma: 'ayaṃ vā so āvuso arūpo attapaṭilābho yassa mayaṃ pahānāya dhammaṃ desema yathāpaṭipannānaṃ vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūriṃ vepullattañca diṭṭheva dhamme sayaṃ abhiññā sacchikatvā upasampajja viharissathā'ti
- **32.** taṃ kimmaññasi poṭṭhapāda, nanu evaṃ sante sappātihīrakatam bhāsitam sampajjatī?ti.
- **33.** addhā kho bhante evam sante sappāṭihīrakatam bhāsitam sampajjatī'ti.
- 34. seyyathāpi potthapāda puriso nisseņim kareyya pāsādassa ārohaņāya tasseva pāsādassa hetthā. tamenam evam vadeyyum: 'ambho purisa yassa tvam pāsādassa ārohaņāya nisseņim karosi, jānāsi tam pāsādam puratthimāya vā disāya dakkhiņāya vā disāya pacchimāya vā disāya uttarāya vā disāya ucco vā nīco

vā majjhimo vā'ti? so ce evam vadeyya: 'ayam so āvuso pāsādo, yassāham ārohanāya nissenim karomi tasseva pāsādassa heṭṭhā'ti.

- **35.** tam kim maññasi poṭṭhapāda, nanu evam sante tassa purisassa sappāṭihīrakatam bhāsitam sampajjatī?ti.
- **36.** addhā kho bhante evam sante tassa purisassa sappāṭihīrakatam bhāsitam sampajjatī'ti.
- 37. evameva kho poţţhapāda amhe evam puccheyyum: 'katamo pana so āvuso oļāriko attapaţilābho? yassa tumhe pahāṇāya dhammam desetha yathāpaţipannānam vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūrim vepullattañca diţṭheva dhamme sayam abhiññā sacchikatvā upasampajja viharissathā'ti. tesam mayam evam puṭṭhā evam byākareyyāma: ayam vā so āvuso oļāriko attapaṭilābho yassa mayam pahānāya dhammam desema yathāpaṭipannānam vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūrim vepullattañca diṭṭheva dhamme sayam abhiññā sacchikatvā upasampajja viharissathā'ti
- 38. evameva kho poţţhapāda amhe evam puccheyyum: 'katamo pana so āvuso manomayo attapaţilābho? yassa tumhe pahānāya dhammam desetha yathāpaţipannānam vo sankilesikā dhammā pahīyissanti, vodāniyā dhammā abhivaḍḍhissanti, paññāpāripūrim

vepullattañca diṭṭheva dhamme sayam abhiññā sacchikatvā upasampajja viharissathā'ti. tesam mayam puṭṭhā evam byākareyyāma: ayam vā so āvuso manomayo attapaṭilābho yassa mayam pahānāya dhammam desema yathāpaṭipannānam vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūrim vepullattañca diṭṭheva dhamme sayam abhiññā sacchikatvā upasampajja viharissathā'ti

- 39. evameva kho poṭṭhapāda amhe evaṃ puccheyyuṃ: 'katamo pana so āvuso arūpo attapaṭilābho? yassa tumhe pahānāya dhammaṃ desetha yathāpaṭipannānaṃ vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūriṃ vepullattañca diṭṭheva dhamme sayaṃ abhiññā sacchikatvā upasampajja viharissathā'ti. tesaṃ mayaṃ puṭṭhā evaṃ byākareyyāma: ayaṃ vā so āvuso arūpo attapaṭilābho yassa mayaṃ pahānāya dhammaṃ desema yathāpaṭipannānaṃ vo saṅkilesikā dhammā pahīyissanti, vodāniyā dhammā abhivaḍḍhissanti, paññāpāripūriṃ vepullattañca diṭṭheva dhamme sayaṃ abhiññā sacchikatvā upasampajja viharissathā'ti
- **40.** tam kimmaññasi poṭṭhapāda, nanu evam sante sappāṭihīrakatam bhāsitam sampajjatī?ti.
- **41.** addhā kho bhante evam sante sappāṭihīrakatam bhāsitam sampajjatī'ti.

- 42. evam vutte citto hatthisāriputto bhagavantam etadavoca: yasmim bhante samaye oļāriko attapaţilābho hoti, moghassa tasmim samaye manomayo atta paţilābho hoti, mogho arūpo attapaţilābho hoti. oļāriko vāssa attapaţilābho tasmim samaye sacco hoti. yasmim bhante samaye manomayo attapaţilābho hoti, moghassa tasmim samaye oļāriko attapaţilābho hoti, mogho arūpo attapaţilābho. manomayo ca attapaţilābho tasmim samaye sacco hoti. yasmim bhante samaye arūpo attapaţilābho hoti, moghassa tasmim samaye oļāriko attapaţilābho hoti, mogho arūpo attapaţilābho. manomayo ca attapaţilābho tasmim samaye sacco hotī'ti.
- 43. yasmim citta samaye olāriko attapaţilābho hoti, neva tasmim samaye manomayo attapaţilābho'ti sankham gacchati, na 'arūpo attapaţilābho ti sankham gacchati. olāriko attapaţilābho' tveva tasmim samaye sankham gacchati. yasmim citta samaye manomayo attapaţilābho hoti, neva tasmim samaye olāriko attapaţilābho'ti sankham gacchati, na 'arūpo attapaţilābho ti sankham gacchati. manomayo attapaţilābho' tveva tasmim samaye sankham gacchati. yasmim citta samaye arūpo attapaţilābho hoti, neva tasmim samaye manomayo attapaţilābho'ti sankham gacchati, na 'olāriko' attapaţilābho ti sankham gacchati. arūpo attapaţilābho' tveva tasmim samaye sankham gacchati.
- **44.** sace tam citta evam puccheyyum: ahosi tvam atītamaddhānam, na tvam nāhosi? bhavissasi tvam anā-

gatamaddhānam, na tvam na bhavissasi? atthi tvam etarahi, na tvam natthīti evam puṭṭho tvam citta kinti byākareyyāsī?'ti.

- 45. sace mam bhante evam puccheyyum: ahosi tvam atītamaddhānam na tvam na bhavissasi? atthi tvam etarahi, na tvam natthī?'ti evam puttho 'ham bhante evam byākareyyam: ahosāham² atītamaddhānam, nāham na ahosim. bhavissāmaham anāgatamaddhānam, nāham na bhavissāmi. atthāham etarahi, nāham natthīti. evam puttho 'ham bhante evam byākareyyanti.
- **46.** sace pana taṃ citta evaṃ puccheyyuṃ: yo te ahosi atīto attapaṭilābho sveva⁸ te attapaṭilābho sacco, mogho anāgato, mogho paccuppanno? yo te⁹ bhavissati anāgato attapaṭilābho, sveva te attapaṭilābho sacco, mogho atīto, mogho paccuppanno attapaṭilābho. sveva te attapaṭilābho sacco, mogho atīto, mogho anāgato? ti evaṃ puṭṭho tvaṃ citta kinti byākareyyāsī?'ti.
- 47. sace pana mam bhante evam puccheyyum: yo te ahosi atīto attapaţilābho, sveva te attapaţilābho sacco, mogho anāgato, mogho paccuppanno? yo te bhavissati anāgato attapaţilābho, sveva te attapaţilābho sacco, mogho atīto, mogho paccuppanno? yo te etarahi paccuppanno attapaţilābho, sveva te attapaţilābho sacco,

⁸soyeva - (syāma)

⁷ahosaham - pts

⁹yo vā te - pts

mogho atīto, mogho anāgato? ti. evam puttho aham bhante evam byākareyyam: yo me ahosi atīto attapatilābho, sveva me attapatilābho tasmim samave sacco ahosi, mogho anagato, mogho paccuppanno. yo¹⁰ me bhavissati anāgato attapatilābho, sveva me attapatilābho tasmim samave sacco bhavissati, mogho paccuppanno. yo me etarahi paccuppanno attapatilabho, sveva me attapațilābho sacco, mogho atīto, mogho anāgato?ti. evam puttho aham bhante evam byākarevvanti.

48. evameva kho citta yasmim samaye olāriko attapatilābho hoti, neva tasmim samaye manomayo attapatilābho'ti sankham gacchati. na arūpo attapatilābho'ti sankham gacchati. olariko attapatilabho'tveva tasmim samaye sankham gacchati, yasmim citta samaye manomayo attapatilabho hoti, neva tasmim samaye olariko attapatilabho'ti sankham gacchati. na arūpo attapaţilābho'ti sankham gacchati. manomayo attapatilābho'tveva tasmim samaye sankham gacchati. yasmim citta samaye arūpo attapatilābho hoti, neva tasmim samaye olariko attapatilabho'ti sankham gacchati, na manomayo attapatilābho'ti sankham gacchati. arūpo attapatilābho'tveva tasmim samaye sankham gacchati.

seyyathāpi citta gavā khīram, khīramhā dadhi, dadhimhā navanītam, navanītamhā sappi, sappimhā

¹⁰vo ca - svā: vo vā - pts.

sappimando, yasmim samaye khīram hoti, neva tasmim samaye dadhīti sankham gacchati. na navanītanti sankham gacchati. na sappīti sankham gacchati. na sappimandoti sankham gacchati. khīram tveva tasmim samaye sankham gacchati. yasmi samaye dadhi hoti, neva tasmim samaye navanītanti sankham gacchati. na sappīti sankham gacchati. na sappimandoti sankham gacchati. yasmim samaye navanītam hoti, neva tasmim samaye sappinti sankham gacchati. na sappimandoti sankham gacchati. na khīranti sankham gacchati. yasmim samaye sappi hoti, neva tasmim samaye sappimandoti sankham gacchati. na khīranti sankham gacchati. na dadhīti sankham gacchati. yasmim samaye sappimando hoti, neva tasmim samaye khīranti sankham gacchati. na dadhīti sankham gacchati. na navanītanti sankham gacchati. 'sappimando'tveva tasmim samaye sankham gacchati. yasmim samaye olāriko attapatilābho hoti, neva tasmim samaye manomayo attapatilabho'ti sankham gacchati. na arupo attapatilābho'ti sankham gacchati. 'olāriko attapatilābho'tveva tasmim samaye sankham gacchati. yasmim citta samave manomavo attapatilabho hoti, neva tasmim samaye arūpo attapatilābho'ti sankham gacchati. na olāriko attapatilābho'ti sankham gacchati. 'manomayo attapatilabho'tveva tasmim samaye sankham gacchati. yasmim citta samaye arūpo attapaţilābho hoti, neva tasmim samaye olāriko attapatilābho'ti sankham gacchati. na manomayo attapatilābho'ti sankham gacchati. 'arūpo attapatilābho'tveva tasmim samaye sankham gacchati.

- **50.** imā¹¹ kho citta lokasamaññā lokaniruttiyo lokavohārā lokapaññattiyo yāhi tathāgato voharati aparāmasanti.
- 51. evam vutte poṭṭhapādo paribbājako bhagavantam etadavoca: abhikkantam bhante. abhikkantam bhante. seyyathāpi bhante nikkujjitam vā ukkujjeyya, paṭicchannam vā vivareyya, mūļhassa vā maggam ācikkheyya, andhakāre vā telapajjotam dhāreyya 'cakkhumanto rūpāni dakkhintī'ti, evameva bhante bhagavatā anekapariyāyena dhammo pakāsito. esāham bhante bhagavantam saraṇam gacchāmi dhammanca bhikkhusanghanca. upāsakam mam bhante bhagavā¹² dhāretu ajjatagge pāṇupetam saraṇam gatanti.
- 52. citto pana hatthisāriputto bhagavantam etadavoca: abhikkantam bhante abhikkantam bhante. seyyathāpi bhante nikkujjitam vā ukkujjeyya, paṭicchannam vā vivareyya, mūļhassa vā maggam ācikkheyya, andhakāre vā telapajjotam dhāreyya 'cakkhumanto rūpāni dakkhintī'ti, evameva bhante bhagavatā anekapariyāyena dhammo pakāsito. esāham bhante bhagavantam saraṇam gacchāmi dhammanca bhikkhusanghanca. labheyyāham bhante bhagavato santike pabbajjam, labheyyam upasampadanti.

¹¹itimā - pts.

¹²bhagavā - syā; bhavam gotamo - sīmu.

53. alattha kho citto hatthisāriputto bhagavato santike pabbajjam. alattha upasampadam. acirūpasampanno kho panāyasmā citto hatthisāriputto eko vūpakattho appamatto viharanto na cirasseva yassatthāya kulaputtā sammadeva agārasmā anagāriyam pabbajanti tadanuttaram brahmacariyapariyosānam dittheva dhamme sayam abhiñnā sacchikatvā upasampajja vihāsi. khīnā jāti, vusitam brahmacariyam, katam karanīyam, nāparam itthattayā'ti abbhañnāsi. añnataro ca kho panāyasmā citto hatthisāriputto arahatam ahosīti.